

POLASÁÍ IONTRÁLA MAIDIR LEIS AN SCOILBHLLAIN 2021/2022

Iar-bhunscoil Scoil Mhuire

Bunófar iarratas ar chead iontrála ar chur i bhfeidhm an Pholasaí seo, ar an eolas atá leagtha amach i bhFógra Iontrála bliantúil na scoile agus ar an eolas a chuireann an t-iarratasóir ar fáil ina iarratas iontrála, nuair a bheidh sé faighte roimh an dáta deiridh a n-glacfar le hiarratais mar atá leagtha amach sa bhFógra Iontrála. Is é/í Príomhoide Scoil Mhuire atá freagrach as an bPolasaí Iontrála seo a chur i bhfeidhm.

MAIDIR LE SCOIL MHUIRE

Tógann Scoil Mhuire a luacha ón bpobal Gaeltachta, Críostaí ina bhfuil sí lonnaithe agus ón dtraidisiún léinn agus spioradáltachta, ó aimsir Naomh Fionnbarra i leith, go bhfuil sí mar pháirt de.

Ag tógaint san áireamh gur scoil Gaeltachta í cuirfear luach fé leith ar Ghaeilge mar chéad theanga chumarsáide agus ar na traidisiúin a bhaineann le Gaeilge. Déantar gnó na scoile, idir teagasc, measúnú agus gníomhaíochtaí eiscuracalaim trí mheán na Gaeilge.

Cuirfear luach árd ar mhacántacht, ar dhíograis agus ar féin smacht. Déanfar iarrachtaí fóna na ndaltaí a dhearbhu chomh maith lena dtorthaí scrúdaithe.

Beidh an meas céanna ar na baill uile de phobal na scoile agus déanfar an dínit acu a chosaint.

Beimid ag súil go mbeidh féin mhuinín árd ag na daltaí ar fhágaint na scoile dóibh agus go mbeidh na scileanna sóisialta, acadúla agus na scileanna eile acu a ullmhóidh iad don saol san tríú Mílaois.

Cuireadh Scoil Mhuire ar bun i 1974. Comhnascadh idir dhá scoil atá inti, idir Meán Scoil Mhuire , a bhí ann ó 1959 agus An Chéard Scoil a bhí ann ó 1939. Pobal Cholaiste isea Scoil Mhuire mar sin agus freastalaíonn sí ar dhaltaí uile an cheantair.

Gairmscoil mheascaithe faoi phátrúntacht Bhord Oideachais agus Oiliúna Chorcaí is ea Scoil Mhuire atá ag freastal ar phobal na Gaeltachta i mBéal Átha'n Ghaorthaidh. Tá scoláirí ó lasmuich den nGaeltacht ag freastal ar an scoil chomh agus iad ag teacht ó Inse Geimhleach, an Ceapadh Buí, An Chaol Chill agus Gaelscoil Bheantraí. Tá líon na ndaltaí ag freastal orainn ag dul i méid le blianta beaga anuas agus tá árdú tagtha ar an líon ag teacht ón Iarthar. Tá busanna ag freastal ar an dturas ó Bheantraí agus ar an dturas ó Inse Geimhleach. Faoi láthair, tá thart ar 100 dalta ag freastal orainn.

Bíonn riachtanaisí speisialta foghlama ar thart ar 10% des na daltaí a fhreastalaíonn ar an scoil.

Tá rang amháin in aghaidh na bliana leis an Idirbhliain san áireamh. Cuirtear réimse leathan ábhair ar fáil do dhaltaí na scoile le tacaíocht ón B.O.O.

CLÁR NA nÁBHAR

CUID A – Eolas Ginearálta do gach Iarratasóir

1. Gluais na dtéarmaí
2. Ráiteas Iontrála
3. Creat Dlí
4. Coinníollacha Ginearálta Iontrála

CUID B - Eolas do Chatagóirí ar leith d'Iarratasóirí

5. Iarratas a dhéanamh ar Ghrúpa na Chéad Bhliana
6. Iarratas a dhéanamh ar na Bliainghrúpaí Eile go Léir Seachas an Chéad Bhliain

CUID A

Eolas Ginearálta do Gach Iarratasóir

- 1. Gluais na dtéarmaí***
- 2. Ráiteas Iontrála***
- 3. Creat Dlí***
- 4. Coinníollacha Ginearálta Iontrála (do gach Iarratasóir)***

1 GLUAIS NA DTÉARMAÍ

Is éard is brí le h'**Iarratasóir**' ná tuismitheoir/caomhnóir Dalta, nó, i gcás Dalta a bhfuil 18 bliana sroichte aige/aici, an Dalta féin, a bhfuil iarratas iontrála déanta aige ar Scoil Mhuire.

Is éard is brí le '**Dalta**' an duine a bhfuil iarratas á dhéanamh thar a c(h)eann. Tugtar le fios gur dalta 'ionchasach' atá i gceist leis an bhfocal sin agus an focal sin in úsáid síos tríd an Polasaí seo mar chuid den léirmhíniú. Is é sin, ní hionann go bhfuiltear ag úsáid an fhocail 'Dalta' agus go bhfuil glactha lena iarratas/hiarratas ionas go mbíonn glactha leis/léi ina D(h)alta i Scoil Mhuire de bhua iarratais amháin.

'**Inscne**', i gcomhréir leis an sainmhíniú maidir leis "*an bhforas inscne*" san Acht um Stádas Comhionann 2000 "*gur fear é duine acu agus gur bean í an duine eile*". Ní dhéanann seo dochar d'aon Dalta atá idirghnéasach nó a aithníonn iad féin a bheith Andraigíneach/Andraigin, Dé-inscneach, Leathinscneach, Solúbtha ó thaobh Inscne de, Aiteach ó thaobh Inscne de, Ilinscneach, Neutrois, Neamh-Dhénártha, Trasinscne, Trasghnéasach nó eile.

Tagraíonn '**Ceantar na Scoile**' don cheantar cónaithe ainmnithe chun iarratas a dhéanamh ar Scoil Mhuire maidir leis an duine a bhfuil iarratas á dhéanamh thar a c(h)eann. Déantar ceantar na scoile maidir le Scoil Mhuire a shainmhíniú mar: *Ceantar Gaeltachta Bhéal Átha'n Ghaorthaidh ar an gcéad dul síos atá i gceist cé go bhfáiltítear roimh dhaltaí ó Inse Geimhleach ar an dtaobh thoir, ó thuaidh go Ré na nDoirí agus siar chomh fada le Beanntraí ar an dtaobh thiar.*

Tá an bhrí chéanna le 'Tuismitheoir' is atá san Acht Oideachais 1998 agus áirítear leis sin tuismitheoir altrama agus caomhnóir arna gceapadh faoi na hAchtanna um Chaomhnóireacht Leanaí 1964 go 1997.

Tagraíonn '**Bunscoileanna Friothálacha**' do na bunscoileanna is rogha chun iarratas a dhéanamh ar Scoil Mhuire. Is iad na bunscoileanna Friothálacha maidir le Scoil Mhuire ná:

- 1.1. A. Scoil Fionnbarra, Béal Átha'n Ghaorthaidh;
- 1.2. B. Scoil Náisiúnta, Inse Geimhleach;

- 1.3. C. Gaelscoil Bheantraí, Beantraí
- 1.4. D. Scoil Náisiúnta, Ceapadh Buí
- 1.5. E. Scoil Náisiúnta na Caolchille;

Chun críche an chritéir roghnúcháin maidir le dalta ar fhreastail siblín leis/léi ar an scoil céanna, tagraíonn '**Siblín**' do lánshiblí, leathshiblí, siblí altrama agus leas-shiblí.

Chun críche an chritéir roghnúcháin maidir le dalta a bhfuil siblín leis/léi ar rolla na scoile faoi láthair, tagraíonn '**Siblín**' do lánshiblí, leathshiblí, siblí altrama agus leas-shiblí agus siblí a bhfuil cónaí orthu sa teaghlach céanna.


Is éard is brí leis an '**gCéad Bhliain**' an grúpa Daltaí a nglactar leo don rang nó an bhliain is sóisearaí sa scoil.

2 RÁITEAS IONTRÁLA

SAINMHÍNIÚ AR 'SCOIL IL-SAINCHREIDMHEACH' I GCOMHTHÉACS BOO

Is scoileanna stáit, comhoideachais, il-sainchreidmheacha iad scoileanna BOO a bhfuil na croíluachanna seo a leanas mar bhonn agus mar thaca acu:

- Barr Feabhais san Oideachas;
- Cúram;
- Comhionannas:
- Pobal agus
- Meas.



Is mar seo a leanas a dhéanann earnáil na mBOOanna, mar sholáthróir oideachais an stáit, scoil 'il-sainchreidmheach' a shainmhíniú:

Tugtar an deis chéanna do gach dalta rollú i scoileanna BOO i gcomhréir leis an Acht Oideachais (Ligean isteach i Scoileanna), 2018. Nuair atá daltaí ar an rolla, féachtar inár gcuid scoileanna leis na deiseanna céanna a chur ar fáil do gach dalta a bheith rannpháirteach sa churaclam agus i saol na scoile. Caitear go cothrom le gach duine de phobal na scoile i ngach gné de shaol na scoile gan beann ar chine, inscne, reiligiún/creideamh, aois, stádas teaghlaigh, stádas sibhialta, ar duine den Lucht Siúil iad, claonadh gnéis, cumas nó stádas socheacnamaíoch.

Cuirtear timpeallacht shlán fhisiciúil agus shóisialta ar fáil inár gcuid scoileanna a chothaíonn ceangal láidir i measc phobal na scoile agus an pobal i gcoitinne. Féachann gach scoil cur ar chumas gach dalta barr a gcumais a bhaint amach gan beann ar fhéiniúlacht nó cúlra. Cuirtear oideachas lán-ionchuimsithe chun cinn inár gcuid scoileanna ina n-aithnítear an iliomad féiniúlachtaí, creideamh agus luachanna daltaí, tuismitheoirí agus bhaill den fhoireann. Ullmhaímid saoránaigh atá leathanaigeanta, a bhfuil tuiscint acu ar chultúir, atá freagrach agus a bhfuil meas acu ar chomhluachanna.

Caitear mar a chéile le daltaí de gach reiligiún agus creideamh i scoileanna BOO. Ní thugtar buntáiste d'aon ghrúpa ar leith seachas grúpa eile i dtimpeallacht ná i ngníomhaíochtaí scoile agus tugtar aitheantas ag an am céanna do dhaltaí de gach reiligiún agus creideamh agus éascaítear iad.

Dá réir sin, ní dhéanfaidh Scoil Mhuire aon leithcheal maidir le Dalta a ligean isteach bunaithe ar na forais a leanas:

- 2.1. Inscne an Dalta nó an Iarratasóra. Sa chás nach nglacann scoil ach le hinscne amháin áfach, ní leithcheal é mura nglacann an scoil sin le Daltaí nach mbaineann leis an inscne sin;
- 2.2. Stádas sibhialta an Dalta nó Iarratasóra.
- 2.3. Stádas teaghlaigh an Dalta nó Iarratasóra.
- 2.4. Claonadh gnéis an Dalta nó Iarratasóra.
- 2.5. Reiligiún an Dalta nó Iarratasóra.
- 2.6. Míchumas an Dalta nó Iarratasóra.
- 2.7. Cine an Dalta nó Iarratasóra.
- 2.8. Gur duine den Lucht Siúil an Dalta nó an tIarratasóir.
- 2.9. Riachtanais oideachais speisialta an Dalta nó Iarratasóra.

Ní ghearrfaidh Scoil Mhuire táillí ná íocaíochtaí ná ní beidh an scoil ag lorg ranníocaíochtaí mar choinníoll iontrála ná i ndáil le rollú leanúnach an Dalta.

3 CREAT DLÍ

Bunaíodh Bord Oideachais & Oiliúna Chorcaí faoin Acht um Boird Oideachais agus Oiliúna 2013 ina leagtar amach feidhmeanna gach BOO, lena n-áirítear scoileanna aitheanta, ionaid oideachais, agus saoráidí oideachais agus oiliúna a bhunú agus a choinneáil i limistéar feidhme gach BOO.

Coiste a bunaíodh faoi alt 44 den Acht um Boird Oideachais agus Oiliúna 2013 é bord bainistíochta Scoil Mhuire agus is ionann sin chomh maith agus bord bainistíochta de réir bhrí an Achta Oideachais 1998.

Leagann an tAcht Oideachais (Ligean isteach i Scoileanna), 2018 agus an tAcht Oideachais (Leas) 2000 dualgas ar scoileanna Polasaí Iontrála a ullmhú agus a fhoilsiú.

Déantar foráil san Acht Oideachais 1998 do phróiseas achomhairc sa chás go ndíúltaítear le rollú. Leagtar amach an próiseas achomhairc in alt 5.3 maidir le hiarratais a dhéantar ar Ghrúpa na Céad Bhliana agus in alt 6.3 maidir le hiarratais a dhéantar ar gach bliain seachas ar Ghrúpa na Chéad Bhliana.

Éilítear in Alt 62(7)(n) den Acht Oideachais 1998 ar gach scoil na socruithe atá i bhfeidhm sa chás go ndéanann tuismitheoir, nó dalta atá os cionn 18 bliana d'aois, iarratas gan a bheith páirteach i dtreoir reiligiúnach a leagan amach i bPolasaí Iontrála na scoile.

Cuireann Scoil Mhuire *oideachas reiligiúnach* ar fáil i ngach bliain-ghrúpa mar go gcuireann sé forbairt iomlánaíoch na ndaltaí chun cinn agus go bhfuil sé ábalta cur lena bhfolláine ar bhealach dearfach ag teacht le prionsabail Chreat na Sraithe Sóisearaí agus na Sraithe Sinsearaí agus an comhaontú múnla. Éascaíonn sé na luachanna intleachta, sóisialta, mothúchánacha, spioradálta agus forbairt mhorálta daltaí agus spreagann sé meas a bheith ar gach ball i bpobail na scoile. Ina theannta sin, tacaíonn *oideachas reiligiúnach* le gné 'il-sainchreidmheach' éitis ár scoile mar go dtugann sé deis do dhaltaí páirt a ghlacadh i gceisteanna a bhaineann lena gcreideamh reiligiúnach nó neamh-reiligiúnach féin nó daltaí eile.

Tá sé tábhachtach go dtuigtear nach gcuireann ár scoil '*treoir reiligiúnach*' ar fáil agus mar sin ní thagann an riachtanas dlí comhairle a thabhairt maidir le gan a

bheith páirteach i dtreoir reiligiúnach chun cinn sa scoil seo. Tá sé tábhachtach chomh maith go dtuigtear an difear idir '*treoir reiligiúnach*' agus '*oideachas reiligiúnach*':

- Is téarma é *treoir reiligiúnach* a úsáidtear in Éirinn chun treoir de réir deasghnáth, cleachtaí agus teagasc reiligiúin nó sainchreideamh **faoi leith** a thabhairt do dhaltaí den traidisiún reiligiúin sin a thabhairt le fios.
- Tá *oideachas reiligiúnach* oscailte go gach dalta cibé gealltanais atá déanta acu do reiligiún nó cruinneshamhail ar leith. Tá mar aidhm leis cur le forbairt spioradálta agus forbairt mhorálta gach dalta ar chomhchéim.

Mar go bhfuil scoileanna BOO il-sainchreidmheach, tacaíonn Scoil Mhuire le *hoideachas reiligiúnach* a chur ar fáil a fhreastalaíonn ar gach dalta beag beann ar a gcreideamh reiligiúnach nó neamh-reiligiúnach.

Ní mór do thuismitheoirí nó do dhaltaí os cionn 18 nach bhfuil ag iarraidh a bheith páirteach in *oideachas reiligiúnach* aighneacht i scríbhinn a chur faoi bhráid an príomhoide ar an gcéad ásc. Ba cheart go ndéanfaí na cúiseanna a bhfuiltear ag iarraidh gan a bheith páirteach a thabhairt le fios san aighneacht. Socróidh an príomhoide cruinniú le thuismitheoir(í) nó le daltaí atá os cionn 18 chun an t-iarratas a phlé. Sa chás nach bhfuil an thuismitheoir nó an dalta os cionn 18 fós ag iarraidh a bheith páirteach san *oideachas reiligiúnach* i ndiaidh an chruinnithe sin, éascóidh an scoil é sin ar an mbealach seo a leanas:

*Beidh cead ag an dalta fanúint sa tseomra ag léamh nó ag staidéar **nó**, má tá an acmhainn ar fáil, beidh teagasc eile ar fáil don dalta ag an am i seomra eile.*

4 COINNÍOLLACHA GINEARÁLTA IONTRÁLA

Bunófar cinneadh ar iarratas ar iontráil:

- ar chur i bhfeidhm an Pholasaí Iontrála seo,
- ar Fhógra Iontrála bliantúil na scoile, agus
- ar an eolas a chuireann an t-iarratasóir ar fáil san iarratas ar iontráil.

Más amhlaidh, roimh thosach feidhme alt 62 den Acht Oideachais 1998 leis an Acht Oideachais (Ligean isteach i Scoileanna) 2018 an 1 Feabhra 2020, gur dheimhnigh Scoil Mhuire, i scríbhinn, gur cuireadh Iarratasóir ar liosta maidir le leithdháileadh áiteanna scoile le haghaidh iontrála roimh an 1 Feabhra 2025, ansin beidh an deimhniú seo fós bailí agus tairgfear an áit sin don Iarratasóir.

Agus iarratas á phróiseáil, **ní chuirfidh** Scoil Mhuire **na nithe seo a leanas san áireamh**:

- 4.1 Íocaíocht táillí nó ranníocaíochtaí leis an scoil;
- 4.2 Cumas acadúil, scileanna nó inniúlacht an Dalta; ach amháin más rud é:
 - go soláthraíonn an tIarratasóir fianaise ar an méid sin mar fhianaise ar leibhéal líofachta an Dalta sa Ghaeilge agus go bhfuil ró-iarratas ar an scoil;
- 4.3 Slí bheatha, stádas airgeadais, cumas acadúil, scileanna nó inniúlacht Tuismitheoir(í) Dalta;
- 4.4 Riachtanas go bhfreastalódh Dalta nó a T(h)uismitheoir(í) ar agallamh, lá oscailte nó cruinniú eile mar choinníoll iontrála;
- 4.5 An nasc atá ag Dalta leis an scoil toisc ball teaghlaigh a bheith aige/aici atá ag freastal nó a d'fhreastail roimhe sin ar an scoil.
- 4.6 An dáta agus an t-am a fuair an scoil iarratas iontrála fad is a fhaightear é le linn na tréimhse a shonraítear chun iarratais a fháil a leagtar amach san Fhógra Iontrála don bhliain acadúil sin.

Déanfaidh Scoil Mhuire tairiscint ar áit **a bhreithniú** maidir le gach Dalta atá ag lorg iontrála sa scoil, **ach amháin i gcás [ceann de] na cásanna seo a leanas:**

4.7 Cliseann ar an Tuismitheoir a dheimhniú i scríbhinn go nglacann sé/sí le Cód Iompair na nDaltaí agus go ndéanfaidh sé/sí gach iarracht réasúnta lena chinntiú go gcloífidh an Dalta leis an gcód sin;

Sa chás go gcuireann Scoil Mhuire iarratas san áireamh, gheobhaidh gach Dalta áit, ach amháin sa chás go bhfuil ró-iarratas ar an scoil, agus sa chás sin, cuirfear critéir roghnúcháin i bhfeidhm ar gach iarratas.

Déantar plé in Alt 5 den Pholasaí seo ar na critéir roghnúcháin agus ceisteanna eile maidir leis na coinníollacha iontrála do Ghrúpa na Chéad Bhliana.

Déantar plé in Alt 6 den Pholasaí seo ar na critéir roghnúcháin agus ceisteanna eile maidir leis na coinníollacha iontrála do na bliainghrúpaí uile seachas an Chéad Bhliain.

CUID B

Eolas do Chatagóirí Iarratasóirí ar Leith

- 5. Iarratas ar Ghrúpa na Chéad Bhliana***
- 6. Iarratas ar na Bliainghrúpaí uile seachas an Chéad Bhliain***

ALT 5

IARRATAS AR GHRÚPA NA CHÉAD BHLIANA

5 IARRATAS AR GHRÚPA NA CHÉAD BHLIANA

5.1 Coinníollacha Iontrála (Grúpa na Chéad Bhliana)

- 5.1.1. Ró-iarratas
- 5.1.2. Critéir roghnúcháin in ord tosaíochta
- 5.1.3. Próiseas roghnúcháin
- 5.1.4. Iarratais dhéanacha
- 5.1.5. Tairiscintí ar áit sa dara/tríú babhta
- 5.1.6. Glacadh le háit
- 5.1.7. Diúltú
- 5.1.8. Tairiscint a tharraingt siar
- 5.1.9. Achomhairc

5.2 Coinníollacha Iontrála don Aonad Lán-Ghaeilge (Grúpa na Chéad Bhliana)

- 5.2.1. Ró-iarratas
- 5.2.2. Critéir roghnúcháin in ord tosaíochta
- 5.2.3. Próiseas roghnúcháin
- 5.2.4. Iarratais dhéanacha
- 5.2.5. Tairiscintí ar áit sa dara/tríú babhta
- 5.2.6. Glacadh le háit
- 5.2.7. Diúltú
- 5.2.8. Tairiscint a tharraingt siar
- 5.2.9. Achomhairc

5.3 Achomhairc

- 5.3.1. Achomharc sa chás gur bhain an diúltú le ró-iarratas
- 5.3.2. Achomharc sa chás gur bhain an diúltú le cúis eile seachas ró-iarratas
- 5.3.3. Bonn achomhairc

5.1 COINNÍOLLACHA IONTRÁLA (GRÚPA NA CHÉAD BHLIANA)

Sa chás nach bhfuil ró-iarratas ar Scoil Mhuire, tairgfear áit sa scoil do gach Dalta, faoi réir ailt 4.7.

Ba chóir do Dhalta atá ag cur isteach ar Ghrúpa na Chéad Bhliana ach atá ag lorg iontrála sa Rang Speisialta féachaint ar alt 7 den Pholasáí Iontrála seo.

5.1.1 Ró-Iarratas

Nuair a sháraíonn líon na n-iarratas líon na n-áiteanna atá ar fáil, beidh feidhm ag na critéir roghnúcháin atá foilsithe mar a leagtar amach in alt 5.1.2 iad thíos agus cruthófar liosta feithimh nach mbeidh bailí ach don scoilbhliain lena mbaineann na hiarratais. Sa chás go mbíonn Scoil Mhuire in ann áiteanna breise sa scoil a thairiscint, a thagann chun cinn sa bhliain acadúil agus le linn na bliana acadúla sin, tairgfear áiteanna de réir an oird tosaíochta inar cuireadh Daltaí ar an liosta feithimh.

Chun nach mbeidh aon amhras ann, mura bhfaigheann Dalta áit sa scoil do bhliain acadúil ar leith, ach go bhfuil sé/sí ag iarraidh go gcuirfí san áireamh é/í le haghaidh iontrála sa bhliainghrúpa céanna an chéad bhliain acadúil eile, ní mór iarratas nua a chur isteach thar ceann an Dalta sin le linn na ndátaí a shonraíonn an scoil a bheith ar an tréimhse a mbeidh sí ag glacadh le hiarratais ar na bliainghrúpaí eile uile seachas an Chéad Bhliain.

Sa chás go mbíonn ró-iarratas ar an scoil, ní chuirfear aon chritéir roghnúcháin nach n-áirítear san Fhógra Iontrála seo san áireamh agus cinneadh á dhéanamh cibé an bhfuil nó nach bhfuil Dalta á ligean isteach sa scoil.

5.1.2 Critéir roghnúcháin in ord tosaíochta

Cuirfidh Scoil Mhuire na critéir seo a leanas i bhfeidhm do Ghrúpa na Chéad Bhliana:

- 5.1.2.1 Má tá cónaí ar an Dalta i gCeantar na Scoile;
- 5.1.2.2 Má tá siblíní leis an Dalta cláraithe sa scoil faoi láthair;
- 5.1.2.3 Más rud é gur fhreastail an Dalta ar bhunscoil fhriothálach A;

- 5.1.2.4 Más rud é gur fhreastail an Dalta ar bhunscoil fhriothálach B;
- 5.1.2.5 Más rud é gur fhreastail an Dalta ar bhunscoil fhriothálach C;
- 5.1.2.6 Más rud é gur fhreastail an Dalta ar bhunscoil fhriothálach D;
- 5.1.2.7 Más rud é gur fhreastail an Dalta ar bhunscoil fhriothálach E;
- 5.1.2.8 Má bhí siblíní leis an Dalta cláraithe sa scoil roimhe seo;

5.1.3 Próiseas roghnúcháin

Cuirfidh Scoil Mhuire an próiseas roghnúcháin i bhfeidhm mar seo a leanas:

Déantar iarratais a mheas de réir na gcritéar roghnúcháin atá foilsithe. Tairgfear áiteanna ar dtús dóibh siúd a shásaíonn an chéad chritéar. Ina dhiaidh sin, sa chás go mbíonn áiteanna fós ar fáil sa scoil, déantar na hIarratasóirí atá fanta a mheas i bhfianaise an dara critéar agus tairgfear áit do na hIarratasóirí a shásaíonn an critéar seo. Leantar ar aghaidh leis an bpróiseas seo go dtí go dtairgtear agus go nglactar leis na háiteanna go léir atá ar fáil.

Sa chás go mbíonn dhá iarratas nó níos mó ná sin cothrom le chéile sa phróiseas roghnúcháin thuasluaite, cuirfidh Scoil Mhuire crannchur randamach ar bun chun aon áiteanna atá ar fáil sa scoil, nó ar an liosta feithimh, a dháileadh ar na hiarratais sin.

5.1.4 Iarratais dhéanacha

Meastar gur iarratas déanach é iarratas a fhaigheann Scoil Mhuire i ndiaidh an dáta deiridh a d'fhoilsigh an scoil agus a bhí leagtha amach san Fhógra Iontrála, chun críocha an Pholasaí Iontrála seo.

Sa chás go mbíonn ró-iarratas ar Scoil Mhuire agus go bhfaigheann sí iarratas déanach ar iontráil, gheobhaidh an t-iarratas sin áit ar an liosta feithimh i ndiaidh na nIarratasóirí a bhfuair an scoil a n-iarratais roimh an dáta deiridh d'iarratais. Cuirfear iarratais dhéanacha dá leithéid sin ar an liosta feithimh de réir an dáta agus an ama a fuair an scoil iad agus ina dhiaidh sin, cuirfear critéir roghnúcháin na scoile i bhfeidhm de réir an Pholasaí Iontrála seo.

Sa chás nach bhfuil ró-iarratas ar Scoil Mhuire agus go bhfaigheann sí iarratas déanach, tairgfear áit sa scoil don Dalta atá ag lorg iontrála, faoi réir ailt 4.7 agus

baineann an próiseas céanna le hIarratasóirí a bhfuarthas a n-iarratais roimh an dáta deiridh, *i.e.* eiseofar Foirm Ghlachtha chuig an Iarratasóir agus beidh sí le comhlánú agus le cur ar ais chuig an scoil laistigh de choicís ón dáta ar eisíodh í.

5.1.5 Tairiscintí ar áit sa dara/tríú babhta

Sa chás go mbíonn tairiscint ar áit i Scoil Mhuire ag Dalta ach nach nglacann sé/sí léi, nó go dtarraingíonn an scoil siar í de réir coinníollacha ábhartha an Pholasaí seo, tairgfear an áit don chéad Dalta eile ar an liosta feithimh sa dara babhta de thairiscintí. Leanfaidh an próiseas seo ar aghaidh go dtí an tríú babhta agus an ceathrú babhta *etc.* go dtí go líontar gach áit sa scoil.

5.1.6 Glacadh le háit

Má thairgtear áit don Dalta a ndearnadh iarratas thar a c(h)eann, eiseoidh an scoil Foirm Ghlachtha chuig an Iarratasóir.

Cuirfidh an tIarratasóir in iúl go bhfuil sé/sí ag glacadh leis an tairiscint ach an Fhoirm Ghlachtha a chomhlánú agus a chur ar ais chuig an scoil faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist. Mar chuid de seo, ní mór a chur in iúl cé acu an bhfuil nó nach bhfuil iarratas déanta aige/aici ar scoil eile, agus an bhfuil nó nach bhfuil sé/sí ag fanacht ar thairiscint iontrála ó scoil eile.

Mura gcomhlánaítear an Fhoirm Ghlachtha agus mura gcuirtear ar ais chuig an scoil í faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist, d'fhéadfadh go dtarraingeofaí an tairiscint siar, i gcomhréir leis na forais a leagtar amach thíos maidir le tairiscint a tharraingt siar.

5.1.7 Diúltú

Sa chás nach dtairgtear áit sa scoil do Dhalta a bhfuil iarratas á dhéanamh thar a c(h)eann, cuirfear an méid seo a leanas ar fáil don Iarratasóir i scríbhinn:

5.1.7.1. Na cúiseanna nár tairgeadh áit i Scoil Mhuire don Dalta;

- 5.1.7.2. Sonraí faoi rangú an Dalta de réir na gcritéar roghnúcháin atá foilsithe, má tá ró-iarratas ar an mbliainghrúpa ar a bhfuil an tIarratasóir ag déanamh iarratais;
- 5.1.7.3. Sonraí faoi áit an Dalta ar an liosta feithimh, más bainteach; agus
- 5.1.7.4. Sonraí faoin gceart atá ag an Iarratasóir achomharc a dhéanamh faoin gcinneadh.

Chomh maith leis na coinníollacha maidir le hiarratas a mheas mar a leagtar amach i 4.7 ní féidir tairiscint iontrála a dhéanamh sa chás:

- 5.1.7.5. Go bhfuil an t-eolas atá san iarratas bréagach nó míthreorach ó thaobh ábhair de.

5.1.8 Tairiscint a tharraingt siar

D'fhéadfaí tairiscint iontrála a tharraingt siar sna cásanna seo a leanas:

- 5.1.8.1. Tá an t-eolas atá san iarratas bréagach nó míthreorach ó thaobh ábhair de, nó
- 5.1.8.2. Teipeann ar an Iarratasóir a dheimhniú go bhfuil sé/sí ag glacadh leis an tairiscint iontrála ar an nó roimh an dáta a leagtar amach i bhFógra Iontrála na scoile don bhliain acadúil lena mbaineann a (h)iarratas, nó más iarratas déanach, nó tairiscint sa dara/tríú babhta atá i gceist, laistigh de choicís, nó
- 5.1.8.3. Níor chuir an tIarratasóir in iúl:
 - (i) cé acu an bhfuil nó nach bhfuil iarratas déanta aige/aici ar scoil(eanna) eile agus é/í ag fanacht ar dheimhniú tairisceana ó scoil(eanna) eile, agus más amhlaidh atá, sonraí na scoile(anna); agus
 - (ii) cé acu ar ghlac nó nár ghlac sé/sí le tairiscint iontrála ó scoil(eanna) eile agus má ghlac, sonraí na tairisceana/na dtairiscintí sin.

Má dhéanann an scoil tairiscint ar áit a tharraingt siar, caillfidh an Dalta a ndearnadh an t-iarratas thar a c(h)eann a (h)áit ar an liosta iontrála nó ar an liosta feithimh don bhliain acadúil sin agus glacfar le haon iarratais eile a dhéantar ar son an Dalta sin don bhliain acadúil chéanna mar iarratais dhéanacha de réir alt 5.1.4 thuas.

5.1.9 Achomhairc

Féach alt 5.3 chun teacht ar eolas maidir leis an gceart atá ag Iarratasóir achomharc a dhéanamh ar chinneadh Scoil Mhuire maidir le hiontráil i nGrúpa na Chéad Bhliana.

5.2. ACHOMHAIRC

5.3.1. Achomharc sa chás gur bhain an diúltú le ró-iarratas

Ní mór d'iarratasóir ar diúltaíodh iontráil dó/di toisc go raibh ró-iarratas ar an scoil agus ar mian leis/léi achomharc a dhéanamh i gcoinne an chinnidh seo a (h)achomharc a chur isteach i scríbhinn chuig oifig.scoilmhuire@corketb.ie, ach Foirm Iarratais Achomhairc de chuid Alt 29, atá ar fáil ó oifig na scoile agus ar shuíomh gréasáin na scoile, a chomhlánú chun go ndéanfadh bord bainistíochta Scoil Mhuire athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

Mura mbíonn Iarratasóir sásta le cinneadh an bhoird bainistíochta, nó mura mbíonn an bord bainistíochta in ann athbhreithniú a dhéanamh ar an gcinneadh chun diúltú d'iontráil, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998.

5.3.2. Achomharc sa chás gur bhain an diúltú le cúis eile seachas ró-iarratas

Féadfaidh Iarratasóir ar diúltaíodh iontráil i Scoil Mhuire dó/di ar chúis nach mbaineann le ró-iarratas a bheith ar an scoil agus ar mian leis/léi achomharc a dhéanamh i gcoinne an chinnidh seo, a (h)achomharc a chur i scríbhinn, trí Fhoirm Iarratais Achomhairc de chuid Alt 29, atá ar fáil ó oifig na scoile nó ar shuíomh gréasáin na scoile, a chomhlánú chun go ndéanfadh bord bainistíochta Scoil Mhuire athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

De rogha air sin, féadfaidh sé/sí cinneadh a dhéanamh achomharc a dhéanamh os comhair coiste achomhairc a bhunaigh an tAire Oideachais agus Scileanna faoi acht 29A den Acht Oideachais 1998.

Mura mbíonn Iarratasóir, a bheartaíonn achomharc a dhéanamh os comhair an bhoird bainistíochta, sásta le cinneadh an bhoird bainistíochta, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998 freisin.

5.3.3. Bonn achomhairc:

Faoi mar a éilítear in alt 29C(2) den Acht Oideachais 1998, ní mór d'iarratas ar achomharc a bheith bunaithe ar chur i bhfeidhm an Pholasaí Iontrála seo agus ar ábhar Fhógra Iontrála na scoile agus ní mór go leagfaí na forais a bhaineann leis an iarratas ar achomharc ar an gcinneadh amach ann.

ALT 6

IARRATAS AR NA BLIAINGHRÚPAÍ UILE SEACHAS AN CHÉAD BHLIAIN

6 IARRATAS AR NA BLIAINGHRÚPAÍ UILE SEACHAS AN CHÉAD BHLIAIN

6.1 Coinníollacha Iontrála (seachas an Chéad Bhliain)

- 6.1.1. Ró-iarratas
- 6.1.2. Critéir roghnúcháin in ord tosaíochta
- 6.1.3. Próiseas roghnúcháin
- 6.1.4. Iarratais dhéanacha
- 6.1.5. Tairiscintí ar áit sa dara/tríú babhta
- 6.1.6. Glacadh le háit
- 6.1.7. Diúltú
- 6.1.8. Tairiscint a tharraingt siar
- 6.1.9. Achomhairc

6.2 Coinníollacha Iontrála don Aonad Lán-Ghaeilge (seachas an Chéad Bhliain)

- 6.2.1. Ró-iarratas
- 6.2.2. Critéir roghnúcháin in ord tosaíochta
- 6.2.3. Próiseas roghnúcháin
- 6.2.4. Iarratais dhéanacha
- 6.2.5. Tairiscintí ar áit sa dara/tríú babhta
- 6.2.6. Glacadh le háit
- 6.2.7. Diúltú
- 6.2.8. Tairiscint a tharraingt siar
- 6.2.9. Achomhairc

6.3 Achomhairc

- 6.3.1. Achomharc sa chás gur bhain an diúltú le ró-iarratas
- 6.3.2. Achomharc sa chás gur bhain an diúltú le cúis eile seachas ró-iarratas

6.1 COINNÍOLLACHA IONTRÁLA (SEACHAS AN CHÉAD BHLIAIN)

Sa chás nach bhfuil ró-iarratas ar Scoil Mhuire, tairgfear áit sa scoil do gach Dalta, faoi réir ailt 4.7.

6.1.1 Ró-Iarratas

Nuair a sháraíonn líon na n-iarratas líon na n-áiteanna atá ar fáil, beidh feidhm ag na critéir roghnúcháin atá foilsithe mar a leagtar amach in alt 6.1.2 thíos iad, agus cruthófar liosta feithimh nach mbeidh bailí ach don scoilbhliain lena mbaineann na hiarratais. Sa chás go mbíonn Scoil Mhuire in ann áiteanna breise sa scoil a thairiscint, a thagann chun cinn sa bhliain acadúil agus le linn na bliana acadúla sin, tairgfear áiteanna de réir an oird tosaíochta inar cuireadh Daltaí ar an liosta feithimh.

Chun nach mbeidh aon amhras ann, mura bhfaigheann Dalta áit sa scoil do bhliain acadúil ar leith, ach go bhfuil sé/sí ag iarraidh go gcuirfí san áireamh é/í le haghaidh iontrála sa bhliainghrúpa céanna an chéad bhliain acadúil eile, ní mór iarratas nua a chur isteach thar ceann an Dalta sin le linn na ndátaí a shonraíonn an scoil a bheith ar an tréimhse a mbeidh sí ag glacadh le hiarratais ar na bliainghrúpaí eile uile seachas an Chéad Bhliain.

Sa chás go mbíonn ró-iarratas ar an scoil, ní chuirfear aon chritéir roghnúcháin nach n-áirítear san Fhógra Iontrála seo san áireamh agus cinneadh á dhéanamh cibé an bhfuil nó nach bhfuil Dalta á ligean isteach sa scoil.

6.1.2 Critéir roghnúcháin in ord tosaíochta

Cuirfidh Scoil Mhuire na critéir seo a leanas i bhfeidhm do bhliainghrúpa seachas do Ghrúpa na Chéad Bhliana:

- 6.1.2.1 Má tá cónaí ar an Dalta i gceantar na scoile;
- 6.1.2.2 Má tá siblíní leis an Dalta cláraithe sa scoil faoi láthair;
- 6.1.2.3 Má bhí siblíní leis an Dalta cláraithe sa scoil roimhe seo;

Ní chuirfear aon chritéir roghnúcháin nach n-áirítear sa Pholasaí Iontrála seo san áireamh agus cinneadh á dhéanamh cibé an bhfuil nó nach bhfuil Iarratasóir á ligean isteach.

6.1.3 Próiseas roghnúcháin

Cuirfidh Scoil Mhuire an próiseas roghnúcháin i bhfeidhm mar seo a leanas:

Déantar iarratais a mheas de réir na gcritéar roghnúcháin atá foilsithe. Tairgfear áiteanna ar dtús dóibh siúd a shásaíonn an chéad chritéar. Ina dhiaidh sin, sa chás go mbíonn áiteanna fós ar fáil sa scoil, déantar na hIarratasóirí atá fanta a mheas i bhfianaise an dara critéar agus tairgfear áit do na hIarratasóirí a shásaíonn an critéar seo. Leantar ar aghaidh leis an bpróiseas seo go dtí go dtairgtear agus go nglactar leis na háiteanna go léir atá ar fáil.

Sa chás go mbíonn dhá iarratas nó níos mó cothrom le chéile sa phróiseas roghnúcháin thuasluaite, cuirfidh Scoil Mhuire crannchur randamach ar bun chun aon áiteanna atá ar fáil sa scoil, nó ar an liosta feithimh, a dháileadh ar na hiarratais sin.

6.1.4 Iarratais dhéanacha

Meastar gur iarratas déanach é iarratas a fhaigheann Scoil Mhuire i ndiaidh an dáta deiridh a d'fhoilsigh Scoil Mhuire agus a bhí leagtha amach san Fhógra Iontrála, chun críocha an Pholasaí Iontrála seo.

Sa chás go mbíonn ró-iarratas ar Scoil Mhuire agus go bhfaigheann sí iarratas déanach ar iontráil, gheobhaidh an t-iarratas sin áit ar an liosta feithimh i ndiaidh na nIarratasóirí a bhfuair an scoil a n-iarratais roimh an dáta deiridh d'iarratais. Cuirfear iarratais dhéanacha dá leithéid sin ar liosta feithimh de réir an dáta agus an ama a fuair an scoil iad agus ina dhiaidh sin, cuirfear critéir roghnúcháin na scoile i bhfeidhm de réir an Pholasaí Iontrála seo.

Sa chás nach bhfuil ró-iarratas ar Scoil Mhuire agus go bhfaigheann sí iarratas déanach, tairgfear áit i Scoil Mhuire don Dalta atá ag lorg iontrála, faoi réir ailt 4.7 agus baineann an próiseas céanna le hIarratasóirí a bhfuarthas a n-iarratais roimh an

dáta deiridh, *i.e.* eiseofar Foirm Ghlactha chuig an Iarratasóir agus beidh sí le comhlánú agus le cur ar ais chuig an scoil laistigh de choicís ón dáta ar eisíodh í.

6.1.5 Tairiscintí ar áit sa dara/tríú babhta

Sa chás go mbíonn tairiscint ar áit i Scoil Mhuire ag Dalta ach nach nglacann sé/sí léi, nó go dtarraingíonn an scoil siar í de réir chionníollacha ábhartha an Pholasaí seo, tairgfear an áit don chéad Dalta eile ar an liosta feithimh sa dara babhta de thairiscintí. Leanfaidh an próiseas seo ar aghaidh go dtí an tríú babhta agus an ceathrú babhta *etc.* go dtí go líonfar gach áit sa scoil.

6.1.6 Glacadh le háit:

Má thairgtear áit don Dalta a ndearnadh iarratas thar a c(h)eann, eiseoidh an scoil Foirm Ghlactha chuig an Iarratasóir.

Cuirfidh an tIarratasóir in iúl go bhfuil sé/sí ag glacadh leis an tairiscint ach an Fhoirm Ghlactha a chomhlánú agus a chur ar ais chuig an scoil faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist. Mar chuid de seo, ní mór a chur in iúl cé acu an bhfuil nó nach bhfuil iarratas déanta aige/aici ar scoil eile, agus an bhfuil nó nach bhfuil sé/sí ag fanacht ar thairiscint iontrála ó scoil eile.

Mura gcomhlánaítear an Fhoirm Ghlactha agus mura gcuirtear ar ais chuig an scoil í faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist, d'fhéadfadh go dtarraingeofaí an tairiscint siar, i gcomhréir leis na forais a leagtar amach thíos maidir le tairiscint a tharraingt siar.

6.1.7 Diúltú:

Sa chás nach dtairgtear áit sa scoil do Dhalta a bhfuil iarratas á dhéanamh thar a c(h)eann, cuirfear an méid seo a leanas ar fáil don Iarratasóir i scríbhinn:

6.1.7.1. Na cúiseanna nár tairgeadh áit i Scoil Mhuire don Dalta;

- 6.1.7.2. Sonraí faoi rangú an Dalta de réir na gcritéar roghnúcháin atá foilsithe, má tá ró-iarratas ar an mblianghrúpa ar a bhfuil an tIarratasóir ag déanamh iarratais;
- 6.1.7.3. Sonraí faoi áit an Dalta ar an liosta feithimh, más bainteach; agus
- 6.1.7.4. Sonraí faoin gceart atá ag an Iarratasóir achomharc a dhéanamh faoin gcinneadh.

Chomh maith leis na coinníollacha maidir le hiarratas a mheas mar a leagtar amach i 4.7, ní féidir tairiscint iontrála a dhéanamh sa chás:

- 6.1.7.5. Go bhfuil an t-eolas atá san iarratas bréagach nó míthreorach ó thaobh ábhair de.

6.1.8 Tairiscint a tharraingt siar

D'fhéadfaí tairiscint iontrála a tharraingt siar sna cásanna seo a leanas:

- 6.1.8.1. Tá an t-eolas atá san iarratas bréagach nó míthreorach ó thaobh ábhair de, nó
- 6.1.8.2. Teipeann ar an Iarratasóir a dheimhniú go bhfuil sé/sí ag glacadh leis an tairiscint iontrála ar an dáta nó roimh an dáta a leagtar amach i bhFógra Iontrála na scoile don bhliain acadúil lena mbaineann a (h)iarratas, nó más iarratas déanach, nó tairiscint sa dara/tríú babhta atá i gceist, laistigh de choicís, nó
- 6.1.8.3. Níor chuir an tIarratasóir in iúl:
 - (i) cé acu an bhfuil nó nach bhfuil iarratas déanta aige/aici ar scoil(eanna) eile agus é/í ag fanacht ar dheimhniú tairisceana ó scoil(eanna) eile, agus más amhlaidh atá, sonraí na scoile(eanna); agus
 - (ii) cé acu ar ghlac nó nár ghlac sé/sí le tairiscint iontrála ó scoil(eanna) eile agus má ghlac, sonraí na tairisceana/na dtairiscintí sin.

Má dhéanann an scoil tairiscint ar áit a tharraingt siar, caillfidh an Dalta a ndearnadh an t-iarratas thar a c(h)eann a (h)áit ar an liosta iontrála nó ar an liosta feithimh don bhliain acadúil sin agus glacfar le haon iarratais eile a dhéantar thar ceann an Dalta sin don bhliain acadúil chéanna mar iarratais dhéanacha de réir alt 6.1.4 thuas.

6.1.9 Achomhairc

Féach alt 6.3 chun teacht ar eolas maidir leis an gceart atá ag Iarratasóir achomharc a dhéanamh ar chinneadh Scoil Mhuire maidir le hiontráil i mbliainghrúpa seachas Grúpa na Chéad Bhliana.

6.2 ACHOMHAIRC

6.3.1. Achomharc sa chás gur bhain an diúltú le ró-iarratas

Ní mór d'iarratasóir ar diúltaíodh iontráil dó/di toisc go raibh ró-iarratas ar an scoil agus ar mian leis/léi achomharc a dhéanamh i gcoinne an chinnidh seo a (h)achomharc a chur isteach i scríbhinn, ach Foirm Iarratais Achomhairc de chuid Alt 29, atá ar fáil ó oifig na scoile agus ar shuíomh gréasáin na scoile, a chomhlánú chun go ndéanfadh bord bainistíochta Scoil Mhuire athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

Mura mbíonn Iarratasóir sásta le cinneadh an bhoird bainistíochta, nó mura mbíonn an bord bainistíochta in ann athbhreithniú a dhéanamh ar an gcinneadh chun diúltú d'iontráil, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998.

6.3.2. Achomharc sa chás gur bhain an diúltú le cúis eile seachas ró-iarratas

Féadfaidh Iarratasóir ar diúltaíodh iontráil i Scoil Mhuire dó/di ar chúis nach mbaineann le ró-iarratas a bheith ar an scoil agus ar mian leis/léi achomharc a dhéanamh i gcoinne an chinnidh seo, a (h)achomharc a chur i scríbhinn, trí Fhoirm Iarratais Achomhairc de chuid Alt 29, atá ar fáil ó oifig na scoile nó ar shuíomh gréasáin na scoile, a chomhlánú chun go ndéanfadh bord bainistíochta Scoil Mhuire athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

De rogha air sin, féadfaidh sé/sí cinneadh a dhéanamh achomharc a dhéanamh os comhair coiste achomhairc a bhunaigh an tAire Oideachais agus Scileanna faoi acht 29A den Acht Oideachais 1998.

Mura mbíonn Iarratasóir, a bheartaíonn achomharc a dhéanamh os comhair an bhoird bainistíochta, sásta le cinneadh an bhoird bainistíochta, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998 freisin.

6.3.3. Bonn achomhairc:

Faoi mar a éilítear in alt 29C(2) den Acht Oideachais 1998, ní mór d'iarratas ar achomharc a bheith bunaithe ar chur i bhfeidhm an Pholasaí Iontrála seo agus ar ábhar Fhógra Iontrála na scoile agus ní mór go leagfaí na forais a bhaineann leis an iarratas ar achomharc ar an gcinneadh amach ann.